



## **PCN i Entidat Públiko Saba ta reforsá nan kolaborashon**

Stichting Pensioenfonds Caribisch Nederland ('PCN') i Entidat Públiko Saba ('EPS') a firma un karta di intenshon riba 17 di mei pa start formalmente nan kolaborashon pa un fasilidat di kuido di mucha nobo na Saba.

E promé pasonan pa eksplorá un kolaborashon a kuminsá inisialmente na mei 2022. Awor, basá riba studionan detayá i diskushonnan, e kòntur di e akuerdo di Invershon i húr ta definí mas aleu. Ademas, partidonan awor a risibí kompromiso firme for di Ministerio Hulandes di Sociale Zaken en Werkgelegenheid ('SZW') pa finansiá e proyekto. E manehadó di invershon di PCN, Participatiemaatschappij Caribisch Nederland ('PMCN'), ta responsabel pa tur areglonan na nòmber di e Pensioenfonds.

Basá riba e akuerdo aki, PCN lo diseñá, desaroyá i konstruí un fasilidat di kuido di mucha nobo na Saba, ku lo ser di húr na OLS riba base di un akuerdo di húr (lease) di largu durashon. Alite B.V., kende a ehekutá e estudio di fasilidat bou di maneho di PCN, lo keda nombra komo Manehadó di Proyekto i líder di diseño. Ora ku e akuerdo di invershon ta finalisá, un proseso di tènender i konstrukshon pa e fasilidat aki lo ser anunsiá. Esaki tambe lo wòrdu manehá pa Alite B.V. den aliniamiento ku EPS.

Pa traha huntu, ámbos partido ta konfirmá nan kompromiso di termino largu ku ta krítiko pa sostené komunidad di Saba, mientras ta kumpli ku tur e rekesitonan di e pólisa di invershon lokal di PCN.

Gobièrnu di Saba ta den proseso pa kumpra e propiedat kaminda lo bai konstruí tantu e sentro di kuido di Laura Linzey komo e kuido despues di skol suministrá pa Saba Girls and Boys Sports Society..